



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:
50 грошей місячно,
2.50 зл. полрочно,
5 зл. рочно
В Америці: 1 дол. полрочно.
2 дол. рочно.
В Чехословакии:
3 кор. місячно, 15 кор. полрочно,
30 кор. рочно.
Контото чекове Нр. 404.155.

## Важне для пренумераторов газеты Лемко.

До днешного числа „Лемка“ долучат ся льотерийны билеты вшиткым тым, котры уплатили пренумерату за 1934 р. Льосованя отбуде ся дня 15. вересня 1934 о год. 9. рано в Крыници в присутности нотара. Пять выгранных, на котры складают ся: конь, кося, плуг и 2 бараны (каракулы).

Кто с пренумераторов не достал бы льотерийного билета, нехай зараз напише до редакции. Билеты достають и берут участь в льотерии лем тоты пренумераторы, котры уплатили уж полну пренумерату (4 зл.) за 1934 р. або тоту пренумерату уплатят найпознійше до дня 10. вересня т. р. Тым последним вышло ся льотерийны билеты с газетом „Лемко“ дня 13. вересня.

Такы льотерии для пренумераторов газеты „Лемко“ буде редакция уряджати каждого року в терминах весняных и осенних.

## Опасность войны росийско-японской.

Совітскы газеты выступають остро против Японии и подготавливают населене до войны с Японией. Политычны кола России вздержуют ся от выповіданя своего суда о войне. Официальны круги сут того мніня, же споры, хоц они сут ведены остро, дадут ся мирно полагодити. Противником войны ест Сталин, котрый здае собі справу с трудностей господарчих и политычных России на случай войны.

Штобы не допустити до войны, выіхал до Токио Раковский, предводитель советской делегации „Червеного Креста“, котрый буде старати ся полагодити недорозуміня медже Японией и Россией. Отношеня однак тепер сут так остры, што советске населене в Манджурии продае свои маетки и выізджат до России. В последних днях выіхало с Манджурии понад 1000 людей.

Причином той паники ест перерване конференции в Токио. Совіты валят цілу отвѣтственность на Японию. Помимо того, што Япония увѣрят світ, же перерване конференции не повинно выкликати опасности войны, советска „Правда“ пише, же правительство советске має дост силы, штобы слѣдити спокойно але барз уважно за тым вшиткым, што робит Япония, в ціли выкликаня на востоді войны.

## Результат выборов в Німеччині.

Дня 19. т. м. отбыли ся выборы на президента Німеччины. Допущеных до голосованя было 45,368.753 людей. Голосовало 43,438.378 людей. С того числа 38,279,514 людей голосовало за тым, штобы зляти уряд канцлера с урядом президента Німеччины, а тым самым выбрало президентом Гитлера. Выборы тоты доказали, же популярность Гитлера в Німеччині слабне, бо в прошлорочном голосованю Гитлер достал 40.602.000 голосов, отже 95%, а тепер лем 88%. помимо, же при выборах были нередкы случаи приневоляня людей до отданя карткы с написом: „так“.

## По Талергофском С'їзді в Сквиртном пов. горлицнаго.

Дня 19 VIII. отбыл ся Талергофский С'їзд в Сквиртном повіта горлицнаго. В с'їзді помимо горячих зерняных работ, які только тепер начали ся в лемковских горах, взяло участь около 3000 люда. С'їхала ся также місцева интеллигенция, што доказуе, же заинтересоване с'їздом было велике. Приіхали, а частійше пришли піше наши патриоты с далеких сторон, штобы отдати честь мученикам за руске имя. Видно там было людей со вшиткых сел от Злоцкого над Попрадом почавши, аж по Завадку Рымановску повіта сяноцкого. Пришли дружно униаты и православны. Они залишили непотребны религийны споры и поспішили разом перед крест Христа Спасителя, штобы помолити ся за души померших на чужині жертв. По богослуженю посвячено крест, котрый уставлено на місцевом кладбищі.

По полудні того самого дня уряджено день Руской Культуры. На програму зложили ся горячи и патриотычны бесѣды г-на Д-ра Гнатышака и делегата Центр. Телеграфского комитета, г-на Цебрынского, перерываны частым рукоплесканем, співы читальняных хоров в Ганчові под управленем г-на Л. Романовского и в Смерсковці под управленем г-на Федорко, ритмичны, гимнастычны упражненя дружин, крыницкой, тылицкой и мохнацкой, декламации и гра мячом.

Вечером, около години 6-той закончило ся торжество и люды в милом настроеню начали розізджати ся.

Неприятно однак ударял ф-кт, что на национальном празднику лемковском, виділо ся так мало лемковских гуньок и горсетов. Кромі дружин и хору в Ганчові, котры были в народных строях и выглядали барз ладну праві вшитка наша молодеж, так хлопцы, і,к, и дівчата были поприбераны по містовою и в той одежді представляли ся значно горше, як в нашій лемковской, котра ест ладна легка и выгодна.

## Чистота тіла у худобы.

В попередном числі Лемка подано, як повинна выглядати здорова стайня для худобы. Але сама стайня, хоц бы она была побудована по всім санитарным правилам, не даст нашому статку чистоты, если газда не подбат о ню сам. А чистота скоры причинят ся в великой мірі до здоровья худобы. Звіря, так само, як и люды, отдыхат не лем легкыма, (ключами) але также и малыма отворотами в скорі. Коли часть скоры ест заліплена брудом, втотчас статка отдыхат тяжко, мучит ся при отдыханю и тратит силу и здравя; коли половину, а навет  $\frac{1}{3}$  часть скоры заліпит ся якомси таком мастьом, котра совсім не допускат воздуха, то худоба по коротком часі гине при признаках удушєня. Видно отже с того, што до полного и свободного отдыханя ест потребне у звірят, штобы скоро была все чисто удержана и штобы отворы в скорі не были заліплєны. Тому треба стало чистити скору худобы так само, як чистиме серсть коней.

В літі, коли статкы выганяме каждого дня на пасовиско, ніт потреби чистити худобу, бо вітер, дождж, сонце, сами постарают ся о чистоту скоры. Зрештом в літі часом купат ся и мые худобу на ріці. Але коли худоба стоит в стайні, ци то в літі, ци в зимі, належит ю конечно чистити. Худобу чистит ся так само, як коні. Бере ся повересло мягкой соломы и вытерат ся ціле тіло худобы под волос. Погодивше бере ся до одной руки щотку, а до другой греблицу и щотком вычесуе ся раз худобу под волос, а другой раз по волосі. Щотку чистит ся на греблиці. Порох и бруд с греблицы высыпуе ся на дощечку и потом на двор, а не до постружницы, бо тото занечишат стайню. Найліпше, як лем позвалят на тото погода, чистити худобу на дворі.

У нас починають давати газдове частити худобу але робят того эле, бо праві в е до чищення ужизню лем самой греблицы, або греблицы и щаткы, а забляють о том, же греблиця ест лем по то, штобы ным вытягати порох со щаткы. До чищення худобы греблицы уживати не можна, бо она мае рідкы, остры зубкы, котры со скоры не выбирают пороху, ани броду, лем ранят скору. Чищення отже таке не приносить користи.

2 1/2 кг. сіна 1 один.= 95 гр білка  
4 „ овс. соломы 1 „ = 40 „ „  
2 20 „ кончу 1 „ = 120 „ „

Разом 8.70 кг. паши - 3 одиницы-255 білка

бракуе білка 15 гр. што однак не шкодит худобі, если ріжниця не доходит до 10% . В продуктивной паші даєт господар пять одиниц, на котры зложат ся

6.6 кг. конччу = 3 одиницы = 363 гр. білка  
1.0 „ ячм. грису 1 „ = 114 „ „  
0.8 „ льян. мак 1 „ = 218 „ „

5 одиниц = 695 гр. білка.

При продуктивной паші мае надвыжку білка о 20 гр. При таком хованю коров будут они давати дуже доброго молока, будут добре виглядати и принесут господареву хосен, бо кошт паши ест меньший от вартости молока.

Пашу належит так розложити, штобы худоба доставала каждого дня не лем потребне количество поживных складников, але также, штобы паша выполняла жолудок и кишкы звирят, бо коли бы звирята не мали выполненого провода кормового, втотчас будут непокоит и ся от голода и не выкорыстают належито паши, а коли паша ест занадто обемиста, не може быти добре через организм выкорыстана и продукция поменьшат ся.

Треба также уважати, штобы переход с одной паши на другу не был наглый. Каждая паша мае свои свойства и складники, до котрых звиря мусит поволи приыкати, отже наглый скок с паши сухой на свіжу, або наоборот, може выкликати у худобы забуреня и нежит. Пора даваня корму впливат на выміну материи у звирят. Часте (3-5 раз) и в тых самых отступах часу кормлене худобы дає добры результаты. Коли худоба не выідат поданой паши, треба ю до того приневолити через солене корму.

По каждой сухой паши мусит статок напити ся воды. Без воды не може обыйи ся, бо лем роспушчены в воді поживны складники достаюг ся до крови, а с ным расходят ся по цілом тілі. Вода до питя повинна быти тепла (10-15 градусев). Тоту теплоту воды осягнеме, тримаючи воду до питя долший час в стайні. Коли пойма статкы зимном водом шкодиме собі сами, бо звиря на огрїте воды до теплоты своего тіла, отдає тепло с себе, котре вытворює с поживы, яка мае ити на вытворене молока, мяса, жира або иншой користи.

При укладаню порцій паши треба все уважати на то, штобы, яко корм житьовый брати обемисты паши. До обемистых паш належит: окоповы, як картофлі, буракы, карпелі, ріпа, листе, зелена паша, сіно, солома, полова и дугы. Тоты паши мае звычайно в власном господарстві. Яко корм продуктивный береме паши сытны (ядерны) як макухы, зерно, грис и другы. Ядерны паши мішаме с собом або с пашами обемистыма.

Видиме с того, што не можна кормити худобы разом, лем треба оддільно кормити телята, котрым дає ся корм житьовый и не много корму на прирост вагы, оддільно коровы, котры даюг нам молоко и оддільно волы и коні, котры мусят мати силу до работы. Кошт кормленя через то не увеличит ся, треба лем доложити больше работы, але тот труд принесє нам зыск.

## Кормлене худобы.

У нас всяди кормят статок разом. Никто при кормленю не уважат на то, ци корова дає дуже молока, ци совсім не доит ся. Шмарит ся за драбину соломы, або поставит ся ц-бер с паренином и на том конце. Таке кормлене ест невластиве и не веде до ціли.

Штобы цілево и с хосном для себе кормити худобу мусиме найперше поділити саму пашу на 1) житьову и 2) продуктивну. Житьова паша, ест то паша, давана статку в таком количестві, котре выстарчат до удержаня статку при житю, а тот корм, який поза житьовыма потребами обертає худоба на пожиток для господаря ест кормом продуктивным. Продуктивный корм замінят ся на молоко, працу, и прирост вагы (мяса и жира). Насуваг ся тепер пытане, килько треба давати паши на удержане жита, а килько на продукцию (користь, хосен)?

Количество паши для удержаня жита зависит от вагы худобы. Досліды выказуют, же на каждых 150 кг. живой вагы худобы треба давати денно одну одиницу кормову. Мусит ся однак звертати увагу, штобы тотта одиница мала достаточне количество білка (90 гр.) Таксамо на продукцию каждых трох літров молока треба корові додати по одной одиниці кормовой, в котрой повинно быти от 125 до 150 гр. білка.

На том основаню може собі каждый господар обчислити при помочи таблицы паш, яку при конці подано, потребне количество паши для своей худобы и може быти певный, же коровы будут доитися добре и будут добре виглядати. Як велику шкоду робят сами собі тоты газдове, котры кормят статкы „на око“ видиме с того, же худоба наша барз часто, особенно на весну выглядат марні, лем скоря и кости, а пожитку не мае с ней жадного. Дуже тотта скула паша, яку даеме худобі, идє лем на удержане жита худобы и ест совсім змарнована, бо не дає зыску. Ци газдуючи так, можна доробити ся дачого? Непевно ні. Тому то, каждый повинен ховати лем так дуже худобы, килько може дуже выкормити, т. зн. дати худобі корм житьовый и корм продуктивный. Килько паши потребує одна штука (корова) денно, подім слідуючий примір:

Корова важит 450 кг. и дає денно 15 літров молока, потребує отже 3 одиницы кормовы житьовой паши и 5 одиниц паши продуктивной, разом отже мае он ей дати 8 одиниц кормовых, в котрых мусит быти 3x90-270 гр. білка для удержаня жита и 4x15-675 гр. білка для продукции молока. Тот господар мае поддостатком солсмы и доброго сіна и коничу, мае грис и льянный макух, отже даєт корові денно

## Таблица паш.

с д п а ш и	На одну кормову единицу требуется кг.	Кормовая единица має в собі білка гр.
<b>I. ОБЕМИСТЫ:</b>		
Солодка трава (добра)	6.00	78
Зеленый овес	7.5	90
Трава с доброго па-совиска	7.5	127
Зеленый конич	7.00	119
Листе карпеля	13.5	54
„ бураков	13.00	130
„ букове	4.5	153
Буракы	11.00	55
Ріпа	14.00	42
Картофлі	5.00	45
Сіно солодке добре	2.2	80
„ квасне	3.5	105
Отава солодка	2.00	112
Конич добрый	2.2	121
„ вымоклый	3.5	105
Солома овсяна	4.00	40
Солома овсяна с ко-ничом	3.00	72
„ ячменна	4.00	24
„ с озимой пше-ницы	5.00	20
„ „ жита	6.00	24
Полсва овсяна	8.00	42
„ житна	4.00	28
„ пшенична	3.5	32
„ ячменна	4.5	23
<b>II. СЫТНЫ (ЯДЕ-НЫ)</b>		
Ячень	1.00	61
Овес	1.1	77
Пшеница	1.00	90
Жито	1.00	87
Льяные насіне	0.6	114
Грис ячм.	1.0	114
пшеничный и житный	1.2	120
Макух льянный	0.8	218

### КРЫНИЦЯ-ЗДРОЙ:

Пенсионаты вилла „Карпагска“ и Злата Брама“ положены в центрум, коло дептака. Текуча зимна и тепла вода. Веранды. Добра кухня, на требованє дистетична. Ціны низкы.

## Братя Лемкы!

Двадцет літ перешло с того часу, коли австро-м дярскы опричникы повели на муку и смерть Отцов и Братов наших за віру и наш народ. Тогда в страшных муках погыбли найліпши сыны нашего народа, (а народа), а разом с нима св. п. мученик о. Максим Сандович. Остатни его слова были: Най живе русский народ и руска віра. Тому то

дня 9. вересня т. року, в першу неділю по его мученической смерти, коло села Чорне, горлицкого повіта отбуде ся всенародне торжество памяти мученика о. Сандовича, Талергофцов и вшиткых, погыбших 20 роков тому назад за наш народ.

Братя Лемкы! Вшиткы, у кого бє ся лем русяке сердце, станме в ряды участников того великого народного торжества, жебы показати горячу любовь своему народу и преданность завітам наших отцов и братьев мучеников.

## Програма торжества:

1. год. 9. ране. Процесія на гору коло села Чэрне до каменн гокреста памятника - мученикам.
2. год. 10<sup>30</sup>. Служба Бэжа, посвячене креста, парастас.
3. г. д. 1 по пол. Торжественна академия в селі Чэрне, посвяченна памяті мучеников. В програмі збрана деклады, промовы и выступы народных хоров.

Чэрне, дня 19.VIII. 1934.

Помочник председателя Комитету  
Ніт подписи.

Секретар комитету:  
св. Иоанн Кутский  
наст. с. Радосиня.

## Честным Ждынянам.

Виділ Читалні ім. М. Качковского в Ждыні и Начальство громады прислали перед с'їздом талергофским на руки редакции газеты „Лемко“ запрошене, в котром выповіли ся за тым, штобы тот с'їзд урядити в Ждыні и приняли на себе обовязок подготавлення того с'їзда.

Редакция, не знаючи о том, што горлицкий талергофский комитет рішил уж скорше урядити такий с'їзд в Сквиртном, выповіла свою згуду и написала о том ждынянам; погодивше по одержаню рішення комитета зашла потреба с'їзд в Ждыні откликати. Честь и слава Ждынянам за их охоту прислужити ся народному ділу. Правда—тепер не выкористано их запрошеня, але даст Бог дождати, другий Талергофский С'їзд урядиме напевно в Ждыні.

## Як устеречи ся перед брішным тыфом.

Звычайно в осени, а особливо того року по частых дожджах и зливах, ширит ся опасна хворота, котру называеме глушком або брішным тыфом.

В часі епидемии брішного тыфа, коли хворий находит ся в дому, вшиткы домовникы повинни быти барз осторожны и не наближати ся до хворого. Тот, кто ходит коло хворого, повинен по наближеню ся до хворого мыти руки мылом, замочити их в субліматі і заждѣти, аж сами выехнут. Кал и моч хворого треба посыпати все негашеным вапном. Лахы хворого, кошелю, плахту и оболочины складати отдѣльно и при праню добре выварити.

Хворота тот ширит ся через с'їдане суровых, невымытых овочей и пите неперевареной, суровой воды со студні. Барз опасны сут кал и моч хворого. Мухы, котры сїдают на нечистоті, переносят заразу на поживу (хлїб, овочи, мясо и т. д.). Коли іме такий зараженный корм, заражаеме ся тыфом. Хворота тот ест барз опасна. Найменьше через 6 недѣль мусит ся лежати в постелі и не ест ся способным до ниякой працы).

Тому треба для власного добра памятати о том, штобы

- 1) мыти часто, а особливо перед ідженем, руки мылом.
- 2) не наближати ся без потреби до хворого.
- 3) не їсти сырых, не мытых овочей.
- 4) не пити сырой воды со студні, лем переварену.

- 5) дбати о чистоту біли хворого и держати его отдѣльно в скрині.
- 6) кал и моч посыпати негашеным вапном; таксамо кльоачный дол.
- 6) о хвороті повідомляти сейчас повітового лікара.
- 8) перевести хворого сейчас до шпиталя для власного добра.

## Порады господарчи.


До найтаньших и барз придатных присмаков на зиму належат овочовы повила и мармеляды. Добры сут и соки, але тоты потребуют больше цукру и тому сут дорожши и не для каждого доступны, а повила можна робити с дакотрых овочей совсім без цукру. Найліпше на повилу надают ся сливки-венгерки, а на мармеляды яблока и грушкы, а также ярины-морков и цыкловы буракы, котры мают в собі дуже цукру. Морков и буракы треба зварити на м'яко, обрати и перенусти со два раз через машинку до мяса, або перетерти через сито. До перетертой массы додае ся таке само количество вишних очищенных и покраяных на фалаткы яблок и 1 кг. цукру на 5 кг. массы и варит ся 2-3 годни, мішаючи часто, штобы не припалили ся. До вывареной мармеляды (мае выварити ся до половини початкового количества) додае ся на каждый кг. одну пастыльку бензоеса, роснущенного в кипячой воді—вымішуе ся разом и укладат до слоя або ганянаго горнца и завязуе. Так само можна робити мармеляду с грушками, малинами и черницами, але добре ест тоты овочи мішати с квасныма яблоками, штобы мали острійший смак. Бензоес додае ся по то штобы мармеляды не пеули ся (купуе ся бензоес в аптеці). Таки мармеляды сут недорогы, смачны и поживны и придают ся барз на зиму.

Поміщайте оголошеня в газеті «Лемко».

Кто хце прислужитися ншшой газеті нехай зберат оголошеня сміст и сел повітов Л-ско, Сянок, Кросно, Ясло, Горлицы и Новый Санч.



Кузня  
Ковальско-Слесарска  
Ваня Цихоня  
в Крыниці-Здрою



ВЫКОНУЕ ВШИТКЫ РОБОТЫ  
КОВАЛЬСКО-СЛЕСАРСКЫ  
ТЕРМИНОВО И ПО ЦІНАХ НИЗКЫХ.

## Катастрофальне наводнене Китая.

В послїдстві уливного дожджа, вода заляла великы обшары в Китаю. Рїка Ялю выступила с берегов и утопило ся в ней 600 люда, а 60 тысяч нашло ся без даху над головом. Обчисляют, што вода заляла понад 12.000 домов.

## Буря и оборвене хмары в Югославии.

Над Білградом (столица Югославии) перешла в прошлой недѣлі неготована от непамятных часов буря, котра споводовала величезны страты материяльны и потягнула за собою килька жертв в людях. Буря быда так сильна, же сорвала дах новой школы и шмарила его о яке 100 метров на дах желїзнодорожной дирекции. Под розвалинами одного дому нашло смерть двоє людей: Вітер вырвал моц дерев с коренями, повывивал масу шиб и поперерывал проводы телефонны.

## 140 людей утопило ся.

На ріці Гангес в Индиях вывернул ся пром и упало до воды 170 люда. С тых уратовано лем 30, а 140 утопило ся.

Причином того были волны, котры перевозено на промі и котры выстрашены колысанвом, начали скакати до воды. Пром втотчас перехылл ся, а перетрашены люды шмарили ся на другу сторону и перевернули пром.

## Бабушка российской революции умерла.

Недалеко Прагы в Чехословакии живе от 1918 року славна революционистка российска, 90 літна Катарина Брешко-Брешковска, котру называют „Бабушкой революции“. В послїдних часах она захворила и ест умерла. На вість о том приїхал до ней аеропляном бывший премьер першого революционного правительства Александр Керенский.



НА ПРОДАЖ:

В Высові повіт Горлицы продае ся  
8 моргов скомасованой землі  
в одном ковальци.

Близших информации уділят на місци  
в Высові управ. школы Г-н Полошинович  
и в Горлицях Д-р Ярослав Сьокало.

Часть землі надаеся на будовляны парцелі.

### До П. Т. Редакції „Лемка“ в Крыниці.

На основаню § 19. зак. прес. прошу помістити в найближшом числі „Лемка“

#### СПРОСТОВАНЄ

в ділі дописи с Ганчовы и Ропок, поміщеной в 9. ч. „Лемка“.

Обі дописи от начал до конца сут неправдивы и пробиват ся в них охота очернити мене в очах народа. Неправда єст, што я в страшный способ вызывал «батьошков» на проповіді дня 3. червня т. р., а правдом єст, што оден „батьошка“ мал вызываючу проповідь на цментах в Ганчові дня 28. мая т. р. в котрой нашмарил ся на мене, на моих парохіан, называючы их сліпыма, бо не видят правды в православію, на тутешну читальню им. Качковского на интеллигенцію, на лемковских, передовых людей кажучи: «яких маєте патриотов? оден в Крыниці а другый в Горлицях, котры старают ся о лемковского епископа, штобы нерешкаджати православію». При том пальнул таку дурницю: «што греко-католик, на може быти добрым русином, лем православный». На тоту провокаційну промову я дал належну отпаву дня 3. червня т. р. в имени своим и вшиткых нападеных. Неправда єст, што я бештал тых моих парохіан, котры 28. мая были на цментах, а правдом єст, же я лояснил моим парохіанам, што наша св. Церков заборонят своим вірным брати участь, в богослуженях инновіров.

Неправда єст, што я зберал в 1914. р. рускы книжки и отсылал их до староства, штом показовал, кого брати до Талергоф и штом давал выказы москвофиль староству. То єст лож, против котрой протестую категорично, а правдом єст, што я поїхал дня 18. вересня 1914. р. до Староства просити о освободженя трох моих арестованых парохіан. Коли тото мені не удало ся, я просил, штобы хоц больше никого не арестовали и на правду ани с Ганчовы ани с Ропок не забрали больше никого. Єсть то моя заслуга, бо я, где лем мог, боронил людей так перед арестом як и рабунками медярских отрядов, а раз посчастлило ся мені оборонити часть села от спаленя, коли то войсковый отряд задумал пустити хаты с дымом. Того доказал я через знаомство с генералом гр. фон Бисинген и Нипенбург. Знают о том люды в селі, а я пишу тото не для самохвалыбы, а тому, штобы дописователь знал, як страшно кривдит мене таким очерненєм. С глухим Вандзляком за 36 літ не мел я нич злого; он жиє и може сам тото потвердити. Неправда єст, што я проведку политьку в церкви, бо мои парохіаны о политьці в церкви нич не чули.

Неправда єст, што с церкви роблю торговлю украинским газетамы, бо я николи в церкви никому жадной газеты не захвалял, ани против жадной не выступал.

Неправда єст, што я в церкви не голошу слова Божого, а правда єст, што я на каждой проповіді поясням св. Пиемо и захочю людєй до морального жита.

Таксамо неправдивы сут вісти, относячи ся до сповіди и до вписа до метрык. Отже обі дописи с Ганчовы и с Ропок сут очевидном напастьом на мене и маюц ціль шкодити мені неправдивым очерненєм. Ганчова, дня 16.VIII. 1924.

С глубоким поважанєм  
О. Іоан Тытар, парох.

ПОМІЩАЙТЕ  
ОГЛОШЕННЯ  
В ГАЗЕТІ „ЛЕМКО“.

## Из наших сел:

ВОРОБЛИК КОРОЛЕВСКИЙ ПОВІТА КОРОСНЯНСКОГО. Наше село свідоме. Коло дороги красує ся читальняный дом им. М. Качковского и кооператив: «Спольный Труд» с молочарньом. Помимо того нашло ся килькох збаламученых украинцов-доморозов, котры подняли крик, што нич ся не робит, што тапропастило ся читальню и кооператив, што дыректор Школы г-н Барна побудовал собі за кооперативны пінязі дом и што ніт другой рады, лем треба читальню перемінити на чит. Просвіты. Будучи членом так кооператыва, як и читальні, хоцу положити конец той подлой роботі чернення наших заслуженых людей и во имя правды подєю, же то неправда, бо г-н Барна не позерат на ничии пінязі, [але працює в кооператыві и читальні задармо для добра кооператыва и народа. Таксамо єго сыны, студенты трудят ся в аматорском кружку. Отже не он запропастил, а наоборот вложил много труда по войні, штобы заинтабульовати дом на О-ство Качковского. Он то и свідомы члены взяли ся до работы, давали представления, їздили по сусідних селах и за тоты пінязі отдано долг. закуплено книжок и радио. Читальня розвивала ся добре, таксамо кооператыв аж до того часу, коли кооператыв окрали два раз тоты, што будуют Украину. Тота крадеж наразила кооператыв на великы страты, а ворогы, давай кричати на г-на Барну и свідомых членов, што они запропастили народный дом и кажут им отступати ся, штобы влїзти на их місце и будовати Украину.

Член Читальні в Вороблику Кор.



Кто хоче штобы  
в календарі „Лемка“  
на 1935 р.

было поміщено дашто о єго селі, нехай  
скоро присылат материал а также фотографии. Редакция просит присылати  
также лемковскы пісні, описи звычайев,  
обрядов, оповіданя и жарты.

### Цукер и нафта подешевіют.

От 1. жолтня т. р. має подешевіти цукер о 20 гр. на 1 кг. В послідном часі представители правительства переговорюют с представителями нафтового промысла в справі знижки цін нафты. В звязи с тым сподівають ся, што нафта подешевіє о 20%, што робило бы на 1 л. 10 гр.

### Ограниченє вїзда до Палестыны.

Палестынске правительство обявило, што в будучности буде выселяти вшиткых тых, котры незаконно достали ся до Палестыны. Установлено, что в послідних часах около 1000 жидов переходит каждого місяца незаконно границу Палестыны, в послідстві чого палестынске правительство рішило приняти міры в цілі вздержаня незаконной иммиграции.

Ватыкан противит ся прийнятю  
Советов до Лигы Надоров.

Японцы арестовали зас советских  
увядников на К-В желізной дорозі.

Советский генеральный консуль  
в Харбині Славцкий приїхал до Москвы, штобы  
дати рапорт с положеня діл на далеком всході.

Отто Габсбург, сын б. цесара Кароля  
был у Мусолиного, с котрым переговорювал  
о справі обнятя престола в Австрии. Мусолини  
не годит ся на тото.

До Италии приїхал канцлер Австрии  
Шушнинг. Обговорювано справу о военном союзі  
межде Италиом и Австриом.

ЕКЗАМЕНОВАНА

АКУШЕРКА

с пятилітном практиком

РУСКОЙ НАРОДНОСТИ

осяде в єдном лемковском селі.

За информациями писати до редакції

„Лемко“ Крыница.

Найліпши условия асекураційны

дає

Асек. Товариство  
ВИТА-КРАКОВСКЕ  
во Львові.



Оно спомагат также наши товариства.

Информации уділят редакция „Лемко“.